

明治
新刻

日本政記

大郷穆編次

第二冊

特32

506

第二冊目次	卷之二	繼體天皇	安閑天皇
		宣化天皇	欽明天皇
		敏達天皇	用明天皇
		崇峻天皇	推古天皇
		舒明天皇	皇極天皇
		孝德天皇	齊明天皇
	卷之三		
		天智天皇	天皇大友
		天武天皇	持統天皇
		文武天皇	元明天皇
		元正天皇	聖武天皇

明治十二年九月廿七日購求

教育博覽會

第二十六世紀元千百六十七年

明治新刻 日本政記卷之二

石川縣 大鄉 穆 編次

繼體天皇 諱男大迹應神帝五世孫父彥主

十五年

先帝崩無嗣大連大伴金村與群臣議迎倭

彥王 仲哀帝五世孫 於丹波倭彥望見儀仗惶懼失

措逃匿山中金村再與大臣巨勢男人等議

迎帝於三國 越邑前 初帝父彥主人王在近江

類國史 屬雜史 第十卷 第六十七 第六十三

日本政記 卷之二 繼體 高卷 婁 載 反

三尾生帝王薨母振媛恐不得鞠養即攜帝還越前高向及長愛士禮賢意豁如也群臣持節備法駕來迎帝踞胡床容儀尊嚴衆敬憚傾心帝猶豫未就道會河內馬飼荒籠密告群臣推戴無佗意帝歎曰微馬飼之言殆取笑天下矣乃發至樟葉宮金村奉神璽帝辭讓數次乃即位時年五十八

元年丁亥大伴金村爲大連巨勢男人爲大臣如故召馬飼荒籠賞之是歲詔勸農桑○三年遣

勸農桑

梁使來

使百濟檢其民逃在任那者歸之○五年遷都山背筒城○六年遣使賜筑紫馬四十匹於百濟尋百濟入貢○七年百濟貢五經博士段楊爾附奏伴跋國侵奪已汶地尋詔新羅伴跋使還之是歲伴跋遣使來獻珍寶○十六年梁使者司馬達來○二十年初遷都弟國至是又遷大和磐余曰玉穗宮○二十一年遣近江毛野率衆六萬往任那復新羅所侵故地筑紫國造磐井與新羅通據火豐二國以拒毛野帝將討

磐井伏誅

之命議可將者。僉曰。大連麤鹿火可於是。詔曰。大將民之司命。社稷存亡係焉。勗哉。恭行天罰。又親授斧鉞曰。長門以東。朕制之。筑紫以西。汝制之。○二十二年。麤鹿火與賊戰。御井遂誅磐井。誅叛臣自眞鳥。後至此凡二人。

山縣禎曰。帝擇將命將。皆得其道。既擇其人。任而無疑。不敢自內掣其肘。宜矣。麤鹿火之一戰。能成其功也。

二十三年。任那王來朝。訴新羅背約。侵掠。詔遣

近江毛野和解二國。○二十四年。先是詔曰。所寶惟賢。爲善最樂。聖化憑茲。遠扇玄功。籍此長懸。至是又詔曰。自磐余彥之帝。水間城之王。皆賴博物之臣。明哲之佐。朕承帝業。於今二十四年。天下清泰。內外無虞。土脈膏腴。穀稼有實。竊恐元元。由斯生侈。俗籍此成。驕故令人。舉廉節。宣揚大道。流通鴻化。官能之事。自古爲難。

山縣禎曰。帝汲汲乎以求賢爲務。此等詔。眞帝王之寶訓。政治之至要。後之君人者。欽奉循守。

莫敢違則國家雖欲不治得乎。

任那使來奏近江毛野綏馭失方於是召還毛野。

賴襄曰國朝之服三韓洵不世之功也然爾後我所以為務者在三韓闕貢則不得不責責而不服則不得不伐是以上古之史三韓之事居半焉當其時蓋將卒疲於奔命農民困於糧餉敝國內以事外夷可知也是豈為計之得者哉雖然揆之時勢有不可槩論者當神功應神之

際吾國風氣未全開士女金帛之豐備或不及三韓而兵卒之勇悍則不啻過之故吾用我兵卒而收彼之金帛所收多而所用寡已納其貢獻又役其人丁故稱百濟為內官家者猶曰我外府也當是時所失少而所得多及至其後我風氣已闢凡百民用無須於彼而仍襲前代之故則所得少而所失多復任那扶百濟如既富之家而猶經紀舊屬之小戶其事雖義其志雖殷內自罷敝而無益於彼故曰不可槩論也。

第二十七世紀元千百九十四年

二十五年帝疾病傳位皇太子尋崩壽八十二
葬攝津藍野陵太子勾大兄立

安閑天皇諱勾大兄繼體帝庶長子母目子媛尾張連草香女在位二年

帝器宇寬大有人君之量在位間邊疆無虞

元年甲寅帝即位於勾金橋宮○百濟朝貢○二

年大酺五日詔曰連年登穀內外清通國家殷

富朕甚欣焉○帝崩壽七十葬河内古市高屋丘陵皇弟

武小廣國押盾立

宣化天皇諱武小廣國押盾安閑帝同母弟在位四年

第二十八世紀元千百九十六年

帝初稱檜隈高田性爽朗謙和不以才能矜人先帝無子群臣上神璽勸進帝遂即位時

年六十九

元年丙辰遷都檜隈廬入野因為宮號○以蘓我

稻目為大臣大伴金村物部麤鹿火竝為大連

如故尋麤鹿火薨○詔修諸國屯倉○二年新

羅寇任那詔大連大伴金村遣其子磐及狹手

彥救任那磐留筑紫以備三韓狹手彥往鎮任

那且救百濟○四年帝崩壽七十三葬大和身狹桃花鳥

第二十九世紀元千二百

陵坂上天國押開廣庭皇子立ツ

欽明天皇諱天國押開廣庭繼體帝嫡子母手白香皇后仁賢帝女在位三十年

二年

先帝無嗣群臣定議迎帝帝遜讓不聽山田

皇后安閑帝之后令群臣勸帝而登位遂從之

元年庚申遷都敷嶋日金刺宮大伴金村為大連

蘓我稻目為大臣如故以物部尾輿為大連

高麗百濟新羅任那蝦夷隼人遣使貢朝檢秦

漢人及諸蕃投化者編貫諸國○四年百濟遣

百濟獻貨財

使獻扶南貨財及奴二口○十二年初詔百濟

興復任那百濟獻策將擊新羅請援於我時高

麗攻百濟我援兵擊卻之城得爾辛是歲賜麥

種一千斛於百濟百濟伐高麗取漢城平壤遂

復其所侵故地○十三年百濟獻佛像及經論

上表稱贊其功德曰是法於諸法中最為殊勝

難解難入雖周公孔子尚不能知佛入本朝之始帝下

群臣議蘓我稻目請受而禮之物部尾輿中臣

勝海俱奏蕃神不宜禮帝從之乃賜佛像於稻

百濟獻佛像

江投佛像於堀

目稻目捨向原第為寺時諸國大疫尾輿等以
為佛所致奏請投佛像於堀江燒其寺是日大
殿災

林恕曰欽明馭萬國始貢佛像我邦之風儀
始變釋氏瀰蔓之禍根於此

山縣禎曰信佛者未可必獲禍亦未可必獲福
也而世之佞佛者唯悅其福德果報之說焉耳
是以利心盛而義理昏往往至危亡國家者非
信佛之罪而惑利之禍也及其罹乎禍而佛亦

不敢救之則其不足信亦可知矣

是歲百濟棄漢城平壤新羅入居之○十五年
先是詔百濟使醫卜曆算等博士來我至是貢
各士請代許之○遣援兵於百濟伐新羅初百
濟王復新羅所侵故地新羅與高麗謀攻又取
之百濟數請援於我即賜船馬弓矢至是遣內
臣名帥舟師赴百濟俱伐新羅遂拔其函山城
征討新羅自神功皇
后後至是第六回 ○十六年百濟王子餘昌
遣弟惠來告國哀初國王聖明攻新羅勝之餘

昌進兵久不還聖明自往慰勞之新羅謀知急
 擊敗之遂殺聖明至是告哀帝遣人慰之明年
 惠請還乃發筑紫舟師護送之至彌氏津扼守
 津要又其明年餘昌立○二十二年先是新羅
 遣使貢獻饗賜甚厚使者大喜是歲使復來列
 之百濟使人下使者怒而還○二十三年新羅
 滅任那毀我官府詔聲其罪已而新羅貢調至
 乃拘留其使者以紀男麻呂為大將責問其滅
 任那狀破其軍其副將河邊瓊缶輕進失利軍

士調伊企難亦為虜所擒虜勸之降不屈大罵
 遂見殺征討新羅第七回○遣大將軍大伴狹手彥帥
 兵數萬伐高麗狹手彥用百濟計擊破高麗入
 其都城征討高麗自雄略帝後至是第三回○新羅入貢又拘留
 其使者○三十二年遣坂田耳子於新羅責問
 滅任那狀既而帝有疾召皇太子曰汝伐新羅
 復任那尋崩壽未詳葬檜隈太子淳中倉太珠
 敷尊立

史論曰欽明朝新羅滅任那奪我日本府而高

第三十世紀元千二百三十一年

麗大亂百濟藉皇靈之遐暢介立強寇之間救
援屯戍國家始多事矣帝臨崩猶以興復任那
為言興滅國繼絕世固非好大務遠之比亦所
以問罪討亂宣揚天皇之徽猷也

敏達天皇諱淳中倉太珠敷欽明帝第二子母石姬皇后宣化帝女在位十四年

帝性聰明叡智攘斥佛法終身不惑

元年壬辰帝即位於大井宮○物部守屋尾興之子為

大連如故以蘓我馬子稻目之子為大臣○四年遷

都譯田曰幸玉宮○十一年先是新羅貢調卻

之是歲再貢又不納○十二年百濟使者德爾

殺人伏誅初帝以任那未復為憂時日羅火鞞北國

造阿利斯登子在百濟帝聞其賢且勇欲有所諮議乃

敕百濟徵之百濟遣使護送日羅至帝延見問

計日羅具陳討新羅復任那之策百濟使者猜

其洩國事使德爾殺之帝大怒勅捕德爾下獄

鞠問德爾服罪乃賜之日羅族誅之○十四年

大疫民多死初百濟獻經論及禪師比丘尼咒

百濟使者伏誅

日本書紀卷之二十一 高麗王 高麗王 高麗王

燒佛像

第三十一世紀元千二百四十六年

禁師造寺匠佛工新羅亦獻佛像蘇我馬子崇信其法造佛宇第中物部守屋中臣勝海等不喜佛因奏請燒寺塔及佛像又捕馬子所信三尼撻之於是馬子憂懼寢疾切請奉三寶帝曰汝獨為之勿惑他人○帝崩壽六十一葬河內磯長中陵異母弟大兄皇子立

用明天皇

諱橘豐日稱大兄皇子欽明帝第四子母堅鹽媛蘇我稻目女在位

二年

帝信佛其法浸淫天下

穴穗皇子殺三輪逆

元年丙午先是遷都磐余曰池邊雙槻宮○穴穗

部皇子皇弟殺三輪逆初物部守屋排佛蘇我馬

子惡之先帝崩造殯宮馬子佩刀入誅守屋笑

曰狀如中箭鳥守屋入誅手顫馬子笑曰宜懸

鈴二人稍生隙時皇子潛懷覬覦見二人誅憤

曰奈何朝死王而不朝生王及帝即位皇子益

不平又欲烝炊屋姬皇后先帝將入殯宮三輪

逆拒而不納逆先帝寵臣是時守衛殯宮皇子怒乃謂馬子

守屋曰逆無禮於我矣我將誅之二人曰善皇

日本書紀卷之二十一 高麗王 高麗王 高麗王

子與守屋往攻遂殺之○二年帝幸磐余河上
 得病而還廐戶皇子聖德太子晝夜侍側口誦佛經
 不止帝詔曰朕欲歸佛群臣其議之物部守屋
 中臣勝海進曰奈何背國神而敬蕃神蘓我馬
 子曰臣請奉詔乃延僧豐國入禁中廐戶握馬
 子手隕涕曰今日之事非大臣歸心福田則烏
 能得成馬子叩頭曰殿下聖德所致也且臣以
 死護佛守屋睥睨大怒於是二人怨隙滋甚既
 而守屋聞馬子等圖己乃退避之阿都集兵自

第三十二世
 紀元千二百
 四十八年

馬子殺穴穗
 部皇子及宅
 部皇子

衛勝海爲之應援廐戶使舍人迹見赤禱殺勝

海○帝崩壽四十一葬磐余池上陵皇弟若雀命立

崇峻天皇諱若雀一曰泊瀨部欽明帝第十
 二子母小姊君蘓我稻目女在位

五年

初先帝崩繼嗣未定物部守屋欲除諸皇子

立穴穗部謀泄馬子與諸皇子謀夜圍穴穗

部宮遂殺之又殺宅部皇子王室內亂自手
 研耳後至此凡

十攻守屋於澀川守屋積稻爲城拒之其兵

蔽野諸皇子惶怖不敢進時廐戶年十六造

四天王像藏之頂髮誓曰今日我得捷必建
寺塔奉之乃與馬子麾兵復進擊之迹見赤
檮射殺守屋守屋兵悉潰馬子奉炊屋姬皇
后與群臣議立帝帝即位都於倉梯

史論曰敏達英明不信佛法詔馬子曰汝獨
爲之勿惑他人天語可謂簡要此知其法之
不可也既知不可而許馬子爲之則私之也
在廷諸臣皆知其許馬子則孰有不嚮其風
者哉使帝毅然禁遏馬子毀絕佛像經論而

一遵祖宗之法則社稷之福可勝言哉用明
享世不永頗尊崇之馬子無所忌憚與庶戶
皇子同志殺弓削守屋中臣勝海而其法盛
行浸淫瀰漫蠹害天下未必不由天語輕發
之所致也

又曰守屋與馬子積不相能忿狷構難兵敗
孛戮也當是時佛法日熾如火之燎原救之
不以其術而欲蹂躪以滅之庸可得乎遂使
天下後世懲其所爲箱口不敢議佛可謂失

計之甚矣。

造法興寺

元年戊申百濟貢調并獻佛舍利及僧九人寺匠
鑪盤工瓦工畫工○蕪我馬子為大臣如故遣
尼善信於百濟學佛法造法興寺○二年遣使
巡察東北國境○三年尼善信還自百濟是歲
多度僧尼○四年帝詔群臣曰欲興復任那如
何群臣贊成之乃以紀男麻呂巨勢比良夫等
為大將軍帥兵二萬屯筑紫遣使於新羅及任
那察問之○五年帝暴崩初帝惡馬子橫暴密

馬子弒逆

謂廐戶皇子曰馬子內恣私慾外崇佛教何以
處之對曰馬子誠驕恣矣惟陛下忍之會有獻
猪者帝指猪曰何時斷朕所惡人如斷此猪左
右官人聞之以告馬子馬子懼密圖不軌廐戶
知其計隱忍不發馬子託言於進東國之調乃
使東漢駒弒帝群臣驚擾馬子命殺數人人始
知馬子弒逆然無敢言者廐戶聞而哭曰是帝
過去報也再見于此尋馳驛筑紫告將軍紀男
麻呂等曰勿以內亂怠外事帝崩年七十二葬大

和倉梯岡陵。

皇女弟炊屋姬皇后

敏達帝立。

林道春曰。馬子弑崇峻太子。何黨馬子而不討賊哉。太子宗室也。已稱守屋。惡起稻城之役。守屋未嘗弑君也。其惡其罪何在哉。親見馬子之弑逆。而因循以從之。則馬子之罪亦有所分耶。新井君美曰。馬子逆謀自帝嗣位之初而兆矣。史以為其聞帝指猪之言。乃圖不軌。非也。曰然則其立帝者何也。曰大連之亂。馬子殺帝母兄。當是時。帝莫有可加之罪。而并殺之。衆心必有不服者。故立之以慰其心。蓋亦不得已耳。殺兄而立弟。其弟非人。則可使其弟而果人也。則必報其怨。雖庸人孺子亦知其當然也。況姦邪如馬子者乎。始其立帝也。獨計以為我之於彼。有援立功。彼以怨報德。我必有辭於天下後世矣。帝有英氣。彼恐變必生肘腋。竊伺帝動靜。於是宮人左右皆為之耳目。帝朝發一言。馬子夕必知之。帝心有所貯。彼盡已知之。豈必待其指猪之言哉。吾故曰。彼其建議復興任那。乃其逆謀。

不服者。故立之以慰其心。蓋亦不得已耳。殺兄而立弟。其弟非人。則可使其弟而果人也。則必報其怨。雖庸人孺子亦知其當然也。況姦邪如馬子者乎。始其立帝也。獨計以為我之於彼。有援立功。彼以怨報德。我必有辭於天下後世矣。帝有英氣。彼恐變必生肘腋。竊伺帝動靜。於是宮人左右皆為之耳目。帝朝發一言。馬子夕必知之。帝心有所貯。彼盡已知之。豈必待其指猪之言哉。吾故曰。彼其建議復興任那。乃其逆謀。

已決之日也矣。征西之役，勇將悍卒，盡出在于外。譬之猛虎去其爪牙，匹夫搏之，猶債孤豚。大軍一出，駐軍于外，內難既定，乃召之還，未始有使一矢加之敵也。其詐謀可以觀已。初三輪逆死，馬子曰：天下之亂不久矣。至其逆勢既成，能使天下弗敢動，則彼先為之措置規畫矣。

賴襄曰：人臣行弑逆，開闢以還，所無可謂天地之大變矣。而諉之過去之報，幾乎三綱淪而九法斃矣。廐戶為太子，以屬人望，其志在異日，即

真擅于天下，而倚於馬子之勢。馬子與大連相軋，欲除之，而自逞，亦倚太子以濟其姦，而皆藉於佛說，遂致誦咒媿典禮，堂塔塗膏血，王業之衰，大端在此。三善清行之所言，可以驗焉。雖然，清行特言其費而已，不知其顛倒是非混淆，善惡烈於洪水，猛獸之害我邦君臣之義，度越萬國，而西竺之說壞之，歸之於土灰沙塵而止焉。而開其端者，廐戶馬子也。可勝慨哉。

第三十三世紀元千二百五十年

推古天皇

諱豐食炊屋初稱額田部欽明帝，第九女用明帝同母妹，在位三十

日本書紀卷之二十一

卷之二十一

萬卷樓藏版

六年

初帝為敏達帝皇后居其喪時三輪逆衛殯宮穴穗部皇子殺三輪三輪敏達帝寵臣繇是帝深以為恨至是群臣上表勸踐祚乃即位於豐浦宮皇女登極以帝為始帝容色端麗進止有度既立不親萬機立廐戶為皇太子攝政攝政之號始于此厚賞東漢駒之功漢駒素為蕪我馬子所寵驕姪不羈姦馬子女馬子怒射殺之曰是逆賊吾為先帝行誅廐戶聞

太子攝政

之曰此誅何足以蔽蕪我氏弑逆之名然亦界附馬子無敢忤其意焉

史論曰崇峻切齒馬子而太子務寬容之馬子謀不軌而太子為不知者賊在朝廷而不能討責以春秋許世子趙盾之義則雖謂之太子與行大事亦不能辭也太子漠然無所顧曰此過去之報也佛子立二世之說其要令人斷惡修善而流弊亦至如是今子弑其父臣弑其君而諉過去之報則天下得而治

日本書紀

卷之二十一

十六

萬卷樓藏版

哉。

造四天王寺

元年癸丑。蘇我馬子為大臣如故。○是歲皇太子造四天王寺於難波荒陵。初太子與馬子謀殺物部守屋。收其田宅資財。至是悉付之寺。○三年。先是詔皇太子及大臣蘇我馬子興隆佛教。是歲高麗百濟僧來。○將軍紀男麻呂等至。自筑紫。○八年。新羅與任那相攻。帝欲援任那。乃命境部臣等帥兵萬餘伐新羅。大破之。拔其五城。征討新羅第八回。新羅乞降。乃召還諸將。未幾新羅

定冠位

頒憲法始用曆

始遣使於隋

又侵任那。○十一年。初詔議伐新羅。以來皇太子為征新羅將軍。率兵往討。是歲皇子至筑紫。病薨。命當麻皇子代討。亦不果行。○十二年。始賜冠位於群臣。曰大德。小德。大仁。小仁。大禮。小禮。大信。小信。大義。小義。大智。小智。凡十二階。又撰憲法十七條。頒之以改制朝禮。又始用曆。曰。○十三年。詔皇太子及群臣。始造銅繡丈六佛像各一。高麗王聞之。獻黃金三百兩。○十五年。遣大禮。小野妹子聘於隋。贈書曰。日出處天子

日本書紀卷之二十一

致書曰沒處天子無恙。○十六年妹子至自隋。隋使裴世清俱來帝饗諸朝及其歸復以妹子為大使難波雄成為小使率學生高向玄理等與世清俱如隋皇太子草答隋主書曰東天皇敬白西皇帝明年妹子等至自隋。○二十六年高麗朝貢奏曰隋主興兵來攻我軍破之因獻俘虜及駱駝器械。○二十八年皇太子與大臣蘇我馬子議撰天皇紀及國記臣連伴造國造百八十部公民等本記。

撰天皇紀國記等

山縣禎曰先儒或謂我國史稱神祖為女主者出於太子豐聰及蘇我馬子之所翊而以此掩其立女主之姦計也此言亦不為無謂矣神祖天照大神又稱日神以象日日者太陽也而謂之陰神可乎且夫獨陰不生何得有子既無子矣何得為祖哉是以皇嗣忍穗耳之生其說曖昧使人不免疑焉皇子豐聰與蘇我馬子同立炊屋姬以嗣大位創女主登極本朝未有之例又與馬子議撰天皇紀稱神祖為女主二子所

日本書紀卷之二十一

為當世誰敢非議之而曰無所私乎其間我則
 不克信也然太子亦聰慧絕倫自古稱之為聖
 德聖則我不知也如其制官階定憲法作國紀
 可謂達治體者矣後世取法一代服其博達亦
 不易得之才也

聖德太子薨

二十九年皇太子厩戶薨謚曰聖德太子用明
 在孕母后偶至厩戶而生太子故名焉生而穎
 敏及壯深好佛時馬子身犯大惡故懼罪報於
 是贊太子以弘釋教太子所建寺四天王法隆
 法興等凡十一所一時臣民所慕倣寺凡四十
 六所有僧尼凡一千三百八十餘人○三十一年新羅貢佛像佛

器是歲新羅復攻任那命大德境部雄麻呂小
 德中臣國等討新羅舟師數萬蔽海而進新羅
 大懼乞降征討新羅第九回○三十二年詔置僧正僧
 都檢校佛寺僧尼○蕪我馬子奏請賜葛城縣
 為封戶不聽○三十四年蕪我馬子薨馬子性
 才略是為以蕪我蝦夷之馬子為大臣是歲自春
 逆臣之魁至秋霖雨夏六月雪天下大饑盜賊四起○三
 十六年帝崩壽七十五臨崩遺詔曰比年五穀
 不登百姓大飢必勿厚葬竹田河內息長足日廣

額皇子立

青山延于曰神武以後相傳二十餘世未有女
主臨朝者神功雖稱制終不即眞而女主即眞
自推古始也厥後皇極持統相繼即位甚至聖
武以孝謙爲儲貳蓋由帝之作俑也當是之時
蘓我馬子專權欲其易制故立已出以成固寵
保位之計卒馴致蝦夷父子僭逆之端嗟乎神
功臨朝而懸象失光推古在位而盛夏飛雪陰
氣之盛其應如此誰謂天道悠遠不關人事乎

舒明天皇

諱息長足日廣額稱田村敏達帝
孫父押媛彥人大兄皇子母糠手

媛在位
十三年

初帝父彥人皇子在外生帝不關時事及先
帝崩遺詔帝嗣位時山背王聖德太子亦稱受
旨朝議不決蘓我蝦夷與群臣定策立帝獨
境部摩理勢欲立山背王固爭蝦夷遂殺摩
理勢奉神璽於帝
新井君美曰敏達崩有太子彥人可立而用
明以下以弟傳位槩受制於外戚其間姦陷

第三十四世
紀元千二百
八十九年

遣使於唐

殺逆之慘。殆不可言。獨太子彥人超然處外。不累於時。可謂肥遯矣。皇孫舒明入承大統。以為百世之宗。天之與有德者。豈不昭昭哉。

元年己丑帝即位。○蕪我蝦夷為大臣如故。○二年遷都飛鳥岡。曰岡本宮。是歲遣大仁犬上御田歙等聘於唐。○三年百濟王使其子豐璋入質。○四年御田歙等至自唐。唐使高表仁俱來。明年表仁歸國。遣吉士雄麻呂等送至對馬。○八年。皇宮災。帝遷居田中宮。○九年。蝦夷叛。遣

始定斗升斤兩

第三十五世紀元千三百二年

大仁上毛野形名討之不克。形名窘迫。其妻勵之。遂進擊。大破之。征討蝦夷自日本武尊後至此第四回○十二年大設齋會。使僧慧隱講無量壽經。是歲遣唐學生高向玄理等從新羅使而還。○帝遷居百濟宮。○始定斗升斤兩。○十三年帝崩。壽四十。

葬押坂陵。皇后天豐財重日足媛立。

皇極天皇

諱天豐財重日足媛。稱寶皇女。敏達帝曾孫。押坂彥人大兄孫。父曰

茅渟玉母吉備媛。櫻井皇子。女。在位四年。

帝初適高向王

用明帝孫

生漢皇子。後為先帝皇

后至是踐祚時大臣蘇我蝦夷子入鹿自專
政柄威權過父

帝親祈雨

元年壬寅詔遣使於高麗百濟及新羅任那○夏
大旱帝幸南淵河上親祈先是大臣蝦夷聚僧
讀經祈雨無驗至是大雨民稱曰至德天皇○
二年遷居飛鳥板蓋新宮○大臣蘇我蝦夷病
私授紫冠其子入鹿代行大臣事入鹿僭逆日
甚密謀廢立專屬意古人大兄皇子舒明帝子
出欲為皇嗣時山背大兄王聖德太子之子素有威望

入鹿殺山背王

入鹿深忌之乃遣巨勢德太古等襲王於斑鳩
宮王得間逃去匿膽駒山既而還入斑鳩寺入
鹿又遣兵圍之王使人謂之曰吾不忍兵爭殺
無辜竟與子弟妃妾俱縊而死

巖垣松苗曰王聖德太子之子故為佛氏之慈
其弊不啻宋襄之仁也且聖德太子深信佛而
其子遭族滅佛果不足信也後世浮屠氏多作
之說者要皆遁辭耳

三年蘇我蝦夷父子專橫滋甚覬覦非望中臣

鎌足命天兒屋根慨然謀匡濟是歲以鎌足為神

祇伯固辭不就竊察宗室諸王可與有為者屬

心中大兄皇子帝所生即天智帝又知輕皇子皇弟即孝德帝

可輔以濟功乃以其女妻之深相結託會中大

兄蹴鞠法興寺樹下鎌足陪焉中大兄靴偶脫

鎌足跪奉之自是情好日密然深懼外議因託

受學於南淵氏每相往來密謀於路鎌足謂不

可無應援乃勸中大兄納蘓我石川麻呂女與

之合謀又薦佐伯子丸葛城綱田等蘓我入鹿

起兩第於甘檮岡經營僭擬官城置兵士自衛

○四年三韓使至中大兄欲以其進貢之日舉

事約石川麻呂讀其表及期帝御大極殿入鹿

入侍入鹿性多猜疑劍不去身鎌足令俳優調

之入鹿笑解劍而入中大兄戒門者鎖絕出入

自執長槍伏於殿側鎌足持弓矢從焉授雙劍

於子丸綱田曰急入斬之子丸等懼甚鎌足叱

而勵之石川麻呂前讀表將畢子丸等未發石

川麻呂手戰聲顫汗流沾衣入鹿恠問石川麻

靴中臣鎌足奉

誅 蕪我入鹿伏

呂曰天威咫尺不覺乃爾中大兄恐失其機徑
 入斫入鹿入鹿驚起子丸進斫其脚入鹿仆攀
 御座曰臣何罪中大兄伏奏曰鞍作入鹿一剪
 滅天宗潛圖篡奪奈何不誅遂殺之帝起入內
 古人大兄驚呼曰韓人殺入鹿逃入私宮是日
 大雨潦水溢庭撤苫障覆入鹿尸使人賜父蝦
 夷中大兄率兵入法興寺諸皇子群臣皆從中
 大兄又遣巨勢德太古誅蝦夷蝦夷悉燒天皇
 記國記及珍寶而死一家逆臣三人○帝讓位於輕皇

誅 蕪我蝦夷伏

子

林恕曰蕪我氏歸異教專國柄弒崇峻立女主
 治世三紀豐聰攝政白馬之經作堆赤烏之僧
 滿朝舒明皇極之間蕪我氏累世之權殆欲亡
 天宗幸有天智之英武鎌足之善謀而逆臣授
 首其族殲矣而豐聰亦絕後然則好佛之福其
 安在哉
 山縣禎曰我朝外戚之專權蕪我氏為始也前
 朝寵馬子太過遂至於使蝦夷父子謀僭逆矣

書曰。罔啓寵納侮觀。彼歷代外戚專權。宦官肆橫。藩鎮跋扈之類。皆其始。啓寵以納侮者也。而其勢既極。則至於不可圖焉。人君操縱之術。不可不謹其微矣。

孝德天皇

諱天萬豐日。稱輕皇。極帝。同母弟。在位十年。

初帝惡蘇我入鹿驕肆。欲除之。稱病不出。中臣鎌足潛俱協謀。入鹿既伏。誅先帝。傳位於帝。帝讓之。古人大兄皇子。皇子固辭遁去。為僧。帝遂即位。尊先帝曰皇祖母。尊立皇姪中

第三十六世紀元千三百五年

始建年號

始置左右大臣及內臣

大兄為皇太子。輔政。是歲始紀元曰大化。年號。始于此。

大化元年己乙。始置左右大臣及內臣。以阿部倉梯麻呂為左大臣。蘇我石川麻呂為右大臣。中臣鎌足為內臣。授大錦冠。以高向玄理僧旻為國博士。○三韓入貢。百濟兼領任那使事。其貢數有闕。令巨勢德太古責而卻之。遣三輪栗隈東人等檢察任那國界。○詔左右大臣曰。治天下。當遵上古聖王之軌轍。○詔問治民之道。右

設鐘匱

大臣石川麻呂奏曰先祭神祇而後議政事於是遣使於尾張美濃課供神之幣後推古帝以祀典漸廢故也又詔曰凡民所患苦國司審加考覈具狀以聞○設鐘匱於朝詔曰凡有所訴而伴造尊長弗達者投牒于匱有司執而上之朕親錄如官司剖斷不直而冤枉者撞鐘以訴又詔定男女奴婢之法○初古人大兄皇子薙髮入吉野至是謀反使菟田朴室古等將兵討之古人伏誅王室內亂至此凡十一○遣使諸國錄戶口詔曰自

古人皇子之亂

禁賣私地
宣新令

古以降歷世天皇必置標代民垂名於後故臣連伴造國造等亦各置私民恣情驅使且割地以為私財爭奪無已或兼并田數萬頃或無立錐地及進調賦先自收歛然後分進凡有興作亦各率其民而從事易曰損上益下方今百姓猶乏而有勢者割水陸為己地賣與百姓以索其價今後宜禁私賣地以杜兼并之路○是歲遷都難波長柄曰豐碕宮○二年詔宣新令其一曰罷祖宗所立子代民處處屯倉及別臣連

驛傳造鈴契

伴造國造村首所有部曲田莊仍賜食封大夫
 以上各有差賜布帛官人百姓亦有差二曰始
 修京師置畿內國司郡司關塞斥侯防人驛傳
 造鈴契定山河凡京每坊置長四坊置令案檢
 戶口督察奸非凡畿內東自名墾橫河南自紀
 伊兄山西自赤石櫛淵北自近江合坂山以內
 為畿內凡郡四十里為大郡三十里以下四里
 以上為中郡三里為小郡並置大領小領主政
 主帳凡驛傳皆依鈴傳符刻數凡諸國及關給

關給鈴契

造戶籍計帳

行田調

鈴契並長官執之二曰始造戶籍計帳班田收
 授法凡五十戶為里每里置長按檢戶口課殖
 農桑禁察非違催督賦役凡田長三十步廣十
 二步為段十段為町段租稻二束二把町租稻
 二十二束山谷僻遠隨便量置四曰罷舊賦役
 行田調凡絹絕絲綿並隨鄉土所出田一町絹
 一丈四町成匹長四丈廣二尺半絕二丈二町
 成匹長廣同絹布四丈長廣同絹絕一町成端
 別收戶別調一戶布一丈二尺凡調副物鹽贄

罷雜役

亦隨鄉土所出。凡官馬中馬每百戶輸一匹。細馬每二百戶輸一匹。其價一戶布一丈二尺。凡兵人身輸刀甲弓矢幡鼓。凡仕丁每五十戶一人充。諸司以五十戶充。仕丁一人。糧一戶庸布一丈二尺。庸米五斗。○遣使諸國營兵庫。或投書於匱曰。諸國民以公事入京。官司留充雜役。詔罷雜役。○三韓入貢。○詔東國國司以下曰。朕曩親諭曰。莫藉官勢取公私物。宜各食部內粟。騎部內馬。若有違者。次官以上降爵位。主典

定葬式

以下決笞杖。其贓物倍而徵之。今聞諸國造納賄國司。以求姦利。貪黷汙穢。其罪不可不治。然今特宥之。夫牧民者。自正己而正人。孰敢不正。今後國司等。謹遵前詔。勿有放逸。又詔遣使諸國勸農事。禁農月飲酒食美味。○定葬式。禁殉死。

史論曰。氓之蚩蚩。必賴君上為之法制。以教率輔翼之。乃得遂其生養。故泰之象曰。天地交泰。后以財成。天地之道。輔相天地之宜。以左右民。

祖宗經國之制至崇神始立矣然猶有闕而未
修者孝德以慈儉爲寶日晏忘食勤以自勵大
綱既舉萬目畢張懸鐘設置以求善言是明四
目達四聰也蠲市司津濟之稅是關市譏而不
征也至若建號紀元置八省百官造戶籍禁兼
弁弁上下定民志良規懿範不一而足如其戒
國司之詔富哉言乎此孔孟扶世立教之旨而
好儒之效亦可觀焉帝王之學詞藝固非所貴
而要在經世化民若帝者可謂真好儒術至治

之隆求之前古亦不可多得矣

賴襄曰國朝之建創於神武開崇神景行而成
於應神仁德其後德衰加以雄略武烈之酷虐
至敏達用明大權下移姦臣專國微天智王業
或幾乎熄矣天智奮宗室之中運謀決機親斃
大姦於黼坐之下卽登天位天下所望而退讓
遷延歷於兩朝非有曠世之度何能如此而裁
定制度經緯天地以開萬世之太平蓋以武王
之烈而兼周公之才稱曰中宗非溢也大凡國

朝以簡質治民。上下同心。國如一人。是國勢所以威四外也。及通隋氏。變質爲文。殆失其故。及至天智。百度大定。後世莫改。大抵取於李唐之制。而所以勝於唐氏者。曰立吏簡。取民廉。是不失我邦固有之美也。後王之過於模倣。文縟太甚。務於刻剝。則不達祖宗立法之意。而武門之治民。反便之。未必不由於此。雖然。武治有其簡。而無其廉。所以不如王政也。蓋神武以還。國有造縣有首。雖盡由朝廷撰而命之。或因其舊望。

世襲其職者。往往而然。及至天智。蕩而廓之。盡郡縣之置。國司焉。考課易置。收權朝廷。蓋天子精撰六十六人之吏。以治萬民。爲民置吏。非爲吏屬民也。雖然。其後國司有更代。而郡大小領。仍或以族望爲之。及關東用兵。有大名小名之目。亦其地方豪族多出人丁者。而鎌倉創守護地頭。用其類充焉。終成封建之形。而天智之制。泯焉。是古今之大勢也。而貴氏族者。由於國俗。雖明王之制。終莫之能勝歟。

定冠制
置八省百官

遣使於新羅徵質遂罷任那調○三年高麗新羅朝貢是歲帝遷小郡官新定禮法制七色十三階冠○工人比羅夫建白穿溝瀆通難波百姓疲勞有人投書于匱諫之帝悔用比羅夫言即日罷役○四年新羅貢調治磐舟柵備蝦夷始置柵戶○五年先是罷古冠至是改制十九階冠置八省百官○左大臣阿部倉梯麻呂薨○殺右大臣蘇我石川麻呂馬子孫倉初石川麻呂輔太子誅入鹿有功帝寵異之至是與其

殺蘇我石川麻呂

弟日向不協日向讒其謀逆太子信之遂奏帝帝遣使問其虛實石川麻呂對曰臣當造朝而面陳帝又遣使問之對亦如初帝乃遣兵圍其第石川麻呂逃入山田寺自殺既而太子悟其冤奏貶日向為太宰帥

永井定宗曰古之聖王行刑罰也司寇以獄之成告于王王命王公參聽之王三宥然後致刑矣是人君所以重刑殺也書稱罪疑惟輕今帝以譖遠殺大臣可謂過矣然大臣亦不為無過

夫忠臣之仕于君從義而不從君帝過欲殺己也速馳疾至宜謝無罪帝不容而後死爲未晚也是乃不使君負殺不辜之名亦可以保其身矣大臣計不出此使君得不君之名亦輒亡其身如大臣忠有餘而智不足者也

青山延于曰石川麻呂與藤原鎌足誅入鹿有大功於王室有罪猶宜宥之況其無罪乎而一旦信讒戮及無辜帝之於石川麻呂何其慘礫少恩也既悟日向之讒宜肆諸市朝以正刑憲

而罪僅止貶竄帝於是乎失刑也

改元白雉

以小紫巨勢德大古爲左大臣小紫大伴長德爲右大臣並授大紫○白雉元年庚戌穴戶國獻白雉詔養之園因改元○新羅朝貢○二年百濟朝貢○右大臣大伴長德薨○是歲新羅入貢使者著唐服朝廷惡其擅更制責而卻之○三年造戶籍凡五家相保置長以檢察○四年以小山上吉士長丹爲遣唐使○百濟新羅朝貢○先是帝遷豐碕宮至是皇太子奏請遷倭

第三十七世紀元千三百十五年

京未許太子奉皇祖母尊移居焉。公卿百官多從。帝不樂欲遜位。造宮於山崎。○五年。以大錦上高向玄理為遣唐使。○小山上吉士至自唐。○帝崩。壽未詳。葬河內大坂磯長陵。帝性柔仁。屢降恩勅。用意治道。國家制度始定矣。皇祖母尊再臨萬機。

齊明天皇 皇極帝重祚。在位七年。

帝初臨萬機。有蘓我入鹿之變。讓位於先帝。至是重祚。屢起土功。百姓怨讟。至材木朽壞。

費用不貲焉。在位前後凡十一年。

史論曰。女主臨馭。昉於推古。而復位肇於皇極。後世上謚。以分前後。蓋出於一時之議。而非萬世之通制也。

山縣禎曰。孝德崩。而皇太子在。宜嗣位焉。而皇極再踐祚。何貪勢位之甚也。晚年窮極土木。得狂心渠之誚。宜矣。而後世上謚一帝。有二謚。亦何義耶。死而後制謚。何得有一焉。蓋議者之過也。

日本書紀卷之二十一
元
故是歲宮災遷飛鳥川原宮○三韓朝貢○二
年卜宮地於飛鳥岡本會三韓朝貢幕其地以
饗使者遂造宮是謂後飛鳥岡本宮又起兩槻
吉野二宮岡本宮災○使水工鑿渠自香山至
石上山時人呼曰狂心渠○三年設孟蘭盆會
於飛鳥山西○四年左大臣巨勢德太古薨○
遣阿部比羅夫帥舟師百八十艘伐蝦夷蝦夷
怖而降征討蝦夷第五回定淳代津輕二郡領比羅夫

狂心渠

元年卯帝卽位於板蓋宮中大兄爲皇太子如
又討肅慎獻生羆及皮征討肅慎之始○有間皇子德孝
子帝皇謀叛伏誅初帝聞有間稱紀伊牟婁之風
土欲往觀至是幸其溫泉蘓我赤兄留守赤兄
偶以民苦於時政語有間有間素懷異志喜以
告其謀赤兄馳驛上變遂執有間傳致行宮乃
絞之藤白坂黨與悉伏誅王室內亂至此凡十二○五年
車駕至自紀伊○是歲再遣阿部比羅夫討蝦
夷降之征討蝦夷第六回置後方羊蹄郡領○遣小錦
下坂合部石布聘於唐○六年遣阿部比羅夫

有間皇子之亂

遣使於唐

日本書紀卷之二十一
三十四
高卷樓藏版

耽羅入貢

率舟師二百艘伐肅慎。征討肅慎第二回。○百濟遣使奏曰新羅導唐兵傾覆本國然賴佐平福信之力圖恢復既而福信獻唐俘乞援且請迎王子豐璋為主詔許之。○帝幸難波宮將救百濟詔駿河國造船。○耽羅始使其王子阿波伎來貢。○七年帝帥舟師至筑紫居朝倉宮罹病遂崩壽未詳皇太子奉喪代聽軍政。

新刻治日本政記卷之二

新刻治日本政記卷之三

石川縣 大鄉 穆 編次

天智天皇

諱中大兄初稱葛城皇子舒明帝長子母皇極齊明帝在位四年

壬戌歲帝未即位仍稱皇太子素服制軍事

先是遣前將軍阿曇比羅夫河邊百枝後將

軍阿部比羅夫等救百濟以織冠授百濟王

子豐璋令小山下秦田來津護送還其國立

為王○皇太子奉先帝梓宮還難波殯于飛

第三十八世紀元千三百二十一年

鳥川原親臨九日。葬大和越智岡上陵○是歲賜金策

於百濟佐平鬼室福信給糧仗布帛○癸亥

歲百濟朝貢鬼室福信獻唐俘遣前將軍上

毛野稚子中將軍三輪根麻呂等率兵二萬

伐新羅拔其二城征討新羅第十回既而唐將劉仁

軌等與新羅合力攻百濟我兵拒之白村江

不利小山下秦來津死之百濟兵潰豐璋棄

城逃高麗先是豐璋猜福信謀不軌殺之以

故群臣不附遂亡皇太子召諸將還○甲子

百濟亡

改增冠位

歲命皇弟大海人即天武帝改冠位號增為二十

六階是歲置防烽於筑紫壹岐對馬等國○

乙丑歲追賞鬼室福信之功授鬼室集斯小

錦下分處百濟投化民男女四百餘口於近

江二千餘口於東國○耽羅來聘○大閱于

菟道○是歲唐遣劉德高等來修好賜德高

等物有差尋以小錦守大石等為送使○丙

寅歲秋大水免租調○丁卯歲遷都近江滋

賀○城大和讚岐對馬○初帝誅入鹿有功

皇極帝欲傳位。帝以告中臣鎌足。鎌足對曰。殿下之兄有古人大兄。而殿下超次承大統。恐失恭遜之義。不若讓皇叔輕皇子以答民望。即從其言。帝性至孝。殯先帝六年。至是登極。時年四十二。號曰天命開別天皇。

林恕曰。齊明重祚。天智攝政。其教化光被。百濟威風震動。大唐其居諒闇。可以觀孝道。除喪登祚。政令正而四海治。至今有本朝中興之名。其微時學周公孔子之道之驗。於是可知焉。

史論曰。蘓我入鹿。藉父祖之威。專恣日久。勢將不利于社稷。帝職居子弟。乃擇賢智之人。協心合謀。不動聲色。而手殲大憝。黼座之側。其功固盛矣。而其威亦將有震主者焉。然天祿之臻。眇乎不省。一則推年長有德之輕皇子。孝德再則奉親王至尊之皇極帝。歷兩朝。十有餘年。而容與儲宮。若將終身。母帝崩。猶尚素服稱制。殯六年。而登祚。是其至孝篤讓得。

乎聖質者如此其美矣有若虛成而無跡推其無所利之心雖所謂有天下而不與者不多讓焉

元年戊辰講武近江多置牧放馬○三韓朝貢已

而唐遣李勣伐高麗滅之○遣使新羅賜調船

及絹綿韋等物○二年耽羅遣王子久麻伎貢

獻○大織冠內大臣藤原鎌足薨初帝親臨鎌

足第問病且問所欲言鎌足曰臣不敏復何言

生而無勞於國唯願死而薄葬遣大海人皇子

藤原鎌足薨

就進官位內大臣改賜姓及薨帝再幸其第賜

賻甚厚鎌足為人忠亮輔帝定大難而制禮儀律令多出其手

永井定宗曰內大臣歷事于孝德齊明天智三

朝而不貳討入鹿之逆而安社稷制官階定禮

義三朝善政多賴大臣之功也然大臣以為未

足盡臣職遺奏薄葬嗚呼自古人臣有微功則

誇其功挾其勞無君為亂者多矣故曰小人有

非常之功者國不幸也今大臣功冠群臣猶以

為未足可謂知臣道者矣

山縣禎曰。大職冠功蓋一世。誰敢與之比者。而謙抑挹損。常不自足焉。宜貽福於後嗣。子孫蕃衍。昌大與皇室比隆。而萬世無窮也。

三年。制朝廷禮節。及行路相避之儀。禁妖妄事。

○造戶籍。糾盜賊浮浪。○修高安城。及長門筑

紫城。○四年。以皇子大友。拜太政大臣。蘇我赤

兄。為左大臣。中臣金為右大臣。蘇我果安。巨勢

人紀。大人為御史大夫。置太政大臣。御○大海

人皇子。奉敕頒冠位法度。○始置漏刻鐘鼓。為帝

始置太政大臣。御史大夫。

太子時親製漏刻。至是置之新臺。○帝不豫。既而病大漸。召皇

弟大海人。屬後事。蘇我安麻呂。知皇子大友。固

有嗣立志。因密告曰。應對宜加意。大海人乃入

辭曰。臣多病不堪政務。請出家修道。帝許之。大

海人即日剃髮為僧。詔賜袈裟。大海人又請往

吉野。是時人相語曰。是翼虎放之也。乃立皇子大友為皇太子。

左大臣蘇我赤兄等五人。奉皇太子盟。帝前。○

帝崩。壽四十六。葬山背山稱陵。○或曰。帝騎馬

遺履座之。即起陵云。皇太子大友立。

青山延于曰。帝以不世出之資。誅逆臣。平國難。救社稷之將顛。創學校。制禮義。垂典刑於將來。觀其任用。鑠足終始不疑。君臣遭遇。雖漢照列之於諸葛亮。茂以過也。武能戡亂。文克致治。自非英明之主。安能臻此哉。後世以帝為中興之祖。良有以也。

山縣禎曰。帝至性孝順。恭儉為政。繼孝德之遺緒。禮文大備。固盛德之主矣。唯其因愛而遺義。至其病革。而遽易儲位。遂以致內亂。是則帝之失也。

新井君美曰。昔人相傳。帝幸山科。騎馬入林中。不知所之。又曰。帝馭上天。群臣葬其遺。或曰。帝之終不可詳也。故曰。升天云爾。美曰。黃帝得仙。騎龍升天。帝亦其然乎。萬葉集載。帝挽歌。凡九首。中有如言昇仙之事者。豈非是所以有後世紛說邪。孔子作春秋。定哀多微辭。我史於天智。天武之世。亦猶定哀也。諱尊隆恩。臣子義當然也耳。雖然大津皇子以叛書則凡篡逆之罪。

三十二
卷之三

見於斷例亦自明矣若彼上天之說姑存疑而可也

天皇大友

諱大友初稱伊賀皇子天智帝長子母宅子媛伊賀采女在位九月

帝性明悟魁偉眼光射人初唐使劉德高來聘見而異之曰皇子風骨非常不似世間人帝好學延百濟文學之士以為師友文藻清絕嘗拜太政大臣攝萬機先帝臨崩立為皇太子至是即位

元年

壬申

高麗朝貢○大海人皇子潛懷覬覦帝

大海人皇子之亂

聞之密為之備大海人遂稱兵吉野遣村國男依鰐部君手等往誘美濃國司發兵塞不破道使大分惠尺等就倭留守司高坂王乞驛鈴高坂王不與大海人發途東行進至隱郡傳呼曰天皇入東國驛夫速來就役民莫應之者急進至伊賀郡火其驛舍郡司叛降之又進至伊勢鈴鹿國司三宅石床及湯沐令田中足麻呂等亦叛降之乃發兵五百塞鈴鹿山道大海人乃駐軍桑名京師大震帝召群臣議曰計將安出

或進策曰急發驍騎襲其後機不可失矣帝不從分遣使諸國竝徵兵詔使者曰若有國司抱異圖者速斬之時大伴吹負在倭直應大海人高坂王陣飛鳥寺西令穗積百足等輸甲仗于京師吹負誘百足殺之高坂王出降吉野高安城陷朝廷遣壹岐韓國大野果安拒吹負戰於乃樂山破之河內國司來曰鹽籠將應大海人韓國覺而欲殺之鹽籠自殺遣山部王蕪我果安巨勢人等帥兵數萬將攻不破會山部王與

果安等私鬪見殺果安亦自殺官軍遂潰大海人遣伊勢兵助吹負及男依韓國敗走境部藥秦友足與男依戰敗皆死之官軍三道竝進連戰不利吹負男依等進逼瀨田帝親帥諸將軍橋西前鋒智尊率精兵列弩雨射撤橋拒之亦不利智尊死之犬養五十君谷鹽手等與男依戰於粟津死之左右大臣及群臣皆逃獨物部麻呂等從帝帝走山前自縊而崩王室內亂至此凡十三時年二十五葬近江長等山陵○明治三年諡弘文天皇大海人議

朱衣老翁

朝臣罪狀。斬右大臣中臣金流。御史大夫巨勢人其餘巨勢人子孫及蘓我果安子等皆配流。○初帝夢朱衣老翁捧日授帝。忽有人從腋下出奪而去。已覺驚異。藤原鎌足帝舅也。聞之懼。後年有巨猾伺大位。故進言修德。帝不省。遂及焉。大海人皇子自立。

史論曰。至壬申之事。則舉世莫能辨是非。大友之鴻業鬱而不暢。隱而不彰。可勝歎哉。天智臨崩。託後事於皇弟。而皇弟不受。剔髮遁于吉野。

其志固不可測矣。陵土未乾。輒動于戈。世徒以成敗論之。故是非混淆。而順逆倒置。亦由舊史不以大友係統。而以天武接緒。故致此紛紜耳。然天武之於舍人親王。君父也不能直筆書之。固亦宜矣。

安積覺曰。天武帝背天智之盟。而虐取大友之天下。傳祚數世。至孝謙帝。而天武之統絕矣。光仁帝以諸王登極。方得復天智之統。自天智至光仁。實十一世矣。蓋天智中興良主。三善清行。

三十三平
四十三平
四十四世

稱之為中宗以配太祖神武天皇使之絕而無胤則為善者沮矣天定亦能勝人其理固不爽也。

天武天皇

諱天淳中原瀨真人小名大海人天智帝同母弟在位十四年改元

一曰朱鳥

帝生而岐嶷及壯雄武善通天文天智帝四年削髮為僧其所有兵器悉納之官往入吉野帝大友元年朴井雄君謂帝曰朝廷勅美濃尾張差山陵役夫蓋其意非唯為山陵必

第四十世紀元千三百三十三年

有事矣若不早圖悔無及也又有人報曰近江京至倭京多置斥候命菟道守橋者遮斷吉野饜道帝大友妃十市天武帝女亦馳書以告帝令人探偵果然乃怒曰吾之所以遁世者欲全身耳今事既迫吾寧束手耶遂稱兵遣諸將徇美濃及伊勢塞鈴鹿不破兩道帝乃與正妃鸕野皇女草壁皇子及朴井雄君縣犬養等間行赴東國會黑雲竟天帝親占曰此天下兩分之象也然我終得之乎尋入

不破諸國司率衆來歸與近江軍戰遂奏捷
兩王爭位以是爲始帝乃論功行賞至倭京命營宮於
岡本宮南號曰飛鳥洋見原宮是歲新羅朝
貢

山縣禎曰天智帝之召皇弟而屬後事也固
辭而讓皇子大友自請爲僧而遁吉野於是
立大友爲皇太子帝崩太子承後則太子君
也皇弟臣也而舉兵而敵朝廷則逆矣其言
曰朝廷群臣將圖我吾豈坐待亡耶向使皇

弟之辭讓出乎忠誠而無迹之可疑則誰敢
圖之哉其赴吉野人或曰翼虎放之也其在
吉野留從臣數人而與之居蓋有不逞之心
見乎幾微者是以朝廷群臣亦疑而備之也
皇弟若實無貳心則單心詣闕明其赤心可
也。不然則愈益遠遯滅迹而已矣舉兵而向
闕焉能免爲逆乎哉

元年癸酉帝即位○詔曰凡出身者先任大舍人
然後選才能以授職○耽羅遣王子久麻伎朝

建占星臺

置兵政司

定律令

撰帝紀

設禁式定服色

貢○始置不破關○二年對馬始貢白金○三年建占星臺○詔諸國貸稅定百姓貧富為三等○四年詔定諸國司子弟及庶人仕進格○是歲置兵政司○五年大射于南門大射始于此○六年詔定文武官進階制○七年詔親王及臣寮畜兵馬○九年詔定律令○詔川嶋忍壁二皇子及上毛野三千等撰帝紀○設禁式九十二條定親王以下至庶人服色○詔曰凡百寮黃緣宮人私納賄請託者隨事罪之○詔大山

造新字

男女始結髮

用銅錢

定氏族八等

以下小建以上各上意見○十年詔境部石積等造新字四十四卷○詔令男女始結髮○詔曰凡應考撰氏族不明者雖有行能不得入撰○停跪禮及匍匐禮更用立禮○十一年詔大津皇子聽朝政○罷銀錢用銅錢尋復銀錢○大伴吹負卒吹負智畧絕人帝之得天下其功居多○遣使諸國分疆界○十二年詔文武官習軍事具兵馬器械○檢臣民氏族定為八等曰真人曰朝臣曰宿禰曰忌寸曰道師曰臣曰連曰稻置乃賜其

姓各有差。

新井君美曰古未有姓唯有名號而已賜性命氏自垂仁始蓋其命之姓貴其功德也天武差第闕闕始為之制凡有司選舉不問賢能必考氏族遂改群姓以分高下八等古語拾遺謂唯序當年之勞不本天降之積誠有故也天武以篡弒而得天下其高爵大祿所以寵異之皆其所謂壬申功臣也至若別生分族多所升降加之以銓總人物專任門地天下靡然好誇地望

其弊則徇勢利亡禮教一如西北胡俗然東方仁厚之風於是變矣。

改爵位號

十三年改爵位號增階級○遣使諸道巡察國司郡司治狀○定朝服色○詔諸國鼓角旗幡弓弩類悉納之郡廨禁藏私家○朱鳥元年大和獻赤雉因改元大赦○帝崩壽六十五

和檜隈皇后臨朝稱制

持統天皇 諱高天原廣野小字鸚野天智帝第三女母蘇我遠智娘右大臣石川麻呂女為先帝皇后先帝崩稱制三年太子薨在位八年

第四十一世紀元千三百四十七年

亂 大津皇子之

壬申之變。皇后常從先帝。在行間。與決軍議。
 先帝崩。奉皇太子。臨朝時。大津皇子。先帝庶子。大田
皇女。謀叛。伏誅。初。大津與聞朝政。大津容止
 魁岸。音辭俊朗。自幼好學。屬文善武。謙遜下
 士。人多歸之。新羅僧行心相。大津曰。皇子骨
 法不似人臣之相。居下位。非其所宜。因勸逆
 謀。繇是竊蓄異志。河嶋皇子。天智帝第二子。素與大
 津親善。至是首告。上變。皇后乃詔捕大津。賜
 死。流僧行心於飛彈。王室內亂。至此凡十四。

二年。丁亥。皇太子率百官。舉哀於殯宮。○賜京師
 民年八十以上。及篤癯貧困者。絁綿各有差。○
 遣使新羅。赴大喪。○詔曰。凡負債在乙酉以前
 者。莫收息。既役身者。勿量息而役之。○設國忌
 齋於京師諸寺。置國忌齋始于此。○為天智帝設法會
 於崇福寺。○三年。皇太子率百官。朝殯宮。○詔
 曰。極刑減罪一等。輕罪悉赦之。復天下今年調
 賦之半。○四年。大學寮獻桃杖八十枚。卯杖始于此。○
杖為避邪之符也。○皇太子草壁薨。○新羅使來吊。失

頒新令

日本正言

卷之三

高松

行儀鳳曆
始賜皇女位號

禮。卻其貢獻。○頒新令二十二卷於諸司。○詔諸國。點民丁四分之一。講習武事。○元年。庚寅。帝即位。大赦天下。○賜群臣爵一級。鰥寡孤獨。篤癯貧困者。賜稻除調役。○詔授冠位。定服色。○以高市皇子為太政大臣。多治比嶋為右大臣。○太政大臣高市皇子率百官往藤原相宮地。○始行元嘉曆儀鳳曆。○二年。始賜皇女內親王號。授命婦位階。女官始于此。○三年。帝幸伊勢。先是中納言三輪高市麻呂以帝屢幸近畿妨農

講武諸國
置鑄錢司

時上表諫之不聽。至是再詣闕。免冠切諫。又不納。高市辭官車駕所過諸國。悉免今年調役。賜其國造冠位。○是歲大水。遣使諸國。巡檢賑貸。弛山林池澤禁。○四年。詔定百姓奴隸服色。○漢人奏踏歌。踏歌始于此。○詔令天下勸植桑苧梨栗蕪菁。○遣陣法博士講武諸國。○五年。置鑄錢司。蓋顯宗帝時已有。銀錢置司始于此。○是歲遷居藤原宮。○七年。太政大臣高市皇子薨。○八年。立皇孫珂瑠為皇太子。初帝欲立高市皇子為皇太子。皇

日本後

卷之三

十五

高松

子薨不果於是會百官議立儲貳衆議久不決
 葛野王帝大友之子進奏曰開國以來子孫相承爲
 典若兄弟相及亂之所由興也今聖嗣自定固
 不可易矣弓削皇子欲有言葛野叱之議遂定

○帝禪位於皇太子

藤井臧曰葛野王其知禮乎專勸君以貴嫡賤
 庶之義昔者公儀仲子舍其孫而立其子檀弓
 曰何居子服伯子曰文王舍伯邑考而立武王
 微子舍膺而立衍夫仲子亦猶行古之道也子

游問諸孔子孔子曰否立孫葛野王蓋悼乎此
 義故斷然請立珂璫非知禮者乎又按宋昭憲
 太后遺命太祖舍其子而立晉王光義後來趙
 普等以爲太祖誤矣我持統太后則異於此聽
 衆議而能察其是非定皇嗣而不惑於嫡庶可
 謂明矣夫定國本莫先於明嫡庶之分分明則
 絕覬覦之路杜僭忒之源使夫佞巧之姦無起
 不軌之念國其不寧乎若夫擇賢相傳而不拘
 嫡庶則或有矣

第四十二世紀元千三百五十七年

文武天皇小名珂瑠。草壁太子子。母元明帝。在位十一年。改元二。曰大寶。慶雲。帝天資寬仁。愠不形色。博涉經史。最善射藝。受持統帝禪。時年十五。

太上天皇號之始

元年丁酉帝即位於藤原宮。尊先帝曰太上天皇。

太上天皇之號始于此。多治比嶋為右大臣如故。○詔免

今年田租雜徭及庸之半。優恤耆老。○二年新

羅貢物于大內陵。○敕太宰府修大野基肆等

三城。○始定笞法。以檢公私奴婢。又禁游手博

戲民。○定朝儀。○三年流役小角於伊豆。小角大和

定笞法

人好妖術。惑衆。故處流。○多禰夜久菴美度感諸嶋人來

貢度感始通授位賜物各有差。○四年令越後

佐渡修石船柵。○敕諸王諸臣及京畿具兵仗

○定諸國牧地。○先是撰成律條。至是敕淨大

參忍壁親王及直廣壹藤原不比等。鎌足子。重定

律令。○始置製衣冠司。○多治比嶋轉左大臣。

○是歲僧道照死。遺言火葬於栗原。火葬自是始。○道照

嘗如唐習禪定。歸朝。周游天下。儲船造橋。山背。宇治。橋其所創造云。

青山延于曰。夫喪親之終。孝子之所盡心也。故

定律令
始置製衣冠司
火葬之始

聖人爲之衣裳爲之棺槨殯殮之葬埋之又爲之祭祀之禮事亡如事存所以使爲子者盡心也自佛法東流以後始有火葬之事雖天子之尊歷世行之況庶人乎夫生而事之死而焚之是刑其屍也有人子之心者安忍刑父母之屍哉然流俗相承恬不知惟以謂爲其親滅罪甚哉其惑也而作俑始于此可勝歎哉

大寶元年丑辛帝御大極殿受百官朝賀儀衛嚴整蕃客陪位禮文大備○釋奠先聖先師於大

釋奠先聖

學寮

史論曰方帝之時淳朴未散而文明漸開譬猶春化之新敷陽曦之將中釋奠於國學興隆儒教大寶元會之儀文物大備而帝徽柔懿恭恩信被於下民薄海內外無有所虞蓋其不治極盛之時歟此雖由帝天資之美而亦孜孜學術之力也

永井定宗曰應神世直岐王仁二子好傳經典蓋本邦之儒祖也而未有釋奠今帝始祀孔子

於是天下知重儒道後世不缺此禮帝之於名教其功偉哉

改官名位號

對馬貢金因改元○始講新令○改官名位號定服色停賜位冠易以位記親王自一品至四品諸王群臣自一位至八位各有正從第九位曰初位有大小四位以上又有上下總三十等罷中納言以大納言阿部御主人為右大臣諸王群臣進爵有差○帝觀五位以上調馬○定國郡職制國置守介掾目史生郡置領主政主

定國郡職制

頒新律度量

帳太宰府置主神帥貳監典判事令史等○論叙壬申功臣賜食封有差又定皇族祿廩制○左大臣多治比嶋薨○是歲除田租調○二年始頒新律度量○遣民部尚書粟田真人等於唐○敕禁親王騎馬入宮門○詔內外文武官講習新令○薩摩多嶺叛發兵討之國司請就國內要害建柵置戍許之○詔曾祖以下至玄孫奕世孝順者表旌門閭舉戶給復○太上天皇崩持統壽五十八○是歲始闢岐蘇山道○

闢岐蘇山道

三年正月朔廢朝遣使七道巡察政蹟申理枉
 冤○以三品刑部親王忍壁知太政官事列左右
 大臣上○右大臣阿部御主人薨○詔以災異
 頻見年穀不登減京畿及太宰府管內調半免
 諸道庸○詔五位以上舉賢良方正士○葬持
 統帝始火葬藏御骨檜隈大內山
 山縣禎曰先是僧道照死而火葬是始作俑者
 也當此時世人滔滔信佛不敢知其非以文武
 之賢明猶為之而在廷大臣亦莫敢諫之者嗚呼

以萬乘至尊死而焚其屍誠可慘矣亦信佛
 之禍也

慶雲元年甲辰以大納言石上麻呂為右大臣○
 始停百官跪伏禮○始鑄諸國印○慶雲見大
 極殿西樓上詔大赦天下改元賑恤耆老癯疾
 免壬寅歲以前逋稅○敕諸國兵士團分為十
 番教習武藝○栗田真人等至自唐真人好學屬文入唐
見武后進止溫雅為唐廷所稱○二年諸國飢疫免今年調半
 且給醫藥○知太政官事忍壁親王薨○以二

定田租法

品穗積親王知太政官事。○三年前中納言左京大夫三輪高市卒贈從三位。高市壬申功臣嘗極諫持統帝游幸不聽辭官及葬。藤原麻呂作詩吊之○詔正男女禮儀及禁百官與民爭利多占山澤侵蝕疆界。○遣使七道始定田租法。○是歲諸國飢疫遣使賑恤又為疫死者始作土牛大儺。○四年帝崩壽二十五。火葬藏御骨遺詔舉哀三日。周月除服。帝母阿閼皇女立。

第四十三世 紀元千三百

元明天皇

小名阿閼天智帝第四女母蘇我

六十八年

帝在位八年改元一曰和銅

初先帝不豫請帝登祚帝謙讓不聽先帝崩群臣奉遺詔固請乃即位於大極殿時年四十七穗積親王為知太政官事石上麻呂為右大臣如故大赦天下免諸國今年田租詔曰為政之道以禮為先頃者官司進退不恪宜革弊俗使歸淳風

和銅元年戊申武藏秩父郡獻銅詔改元大赦天下賑耆老旌孝節免武藏今年庸本郡調○始

日本正言 卷之三

禁私鑄錢

置催鑄錢司。○以右大臣石上麻呂為左大臣。大納言藤原不比等為右大臣。○始行銀錢及銅錢。按先是已用銀錢蓋異邦所貢而銅錢亦非無但皆無文至是初鑄銅錢即和銅開珍是也。○二年禁私鑄錢是歲廢銀錢。○陸奧越後蝦夷叛遣將分道討之。征討蝦夷第七回。○新羅朝貢。○三年遷都平城置左右京坊。初先帝有遷都志不果帝即位決議就役詔曰比者遷都勞役百姓宜免今年租調。○四年始置都亭驛。○詔凡衛士者備之不虞而悉皆尪弱不足用今

古事記成

後宜委長官簡點勇敢每歲代易焉。○是歲以穀六升當錢一文令百姓交關。○五年正五位上太安麻呂撰古事記成奏上。○詔禁國郡司及里長等因緣弄法為姦利者。○始置出羽國。○六年割丹波五郡置丹後國割備前六郡置美作國割日向四郡置大隅國又詔諸國郡邑之名務用佳字及作其風土記。○七年詔從六位上紀清人等撰國史。○八年詔諸國朝集使曰天下百姓多背本貫流寓他方規避課役其

作風土記

日本正言 卷之三 二五 萬卷樓藏版

第四十四世紀元千三百七十五年

淹留踰三月者即斷輸調庸當從國法又詔國郡之治催勸民產資物豐足者為最催勸雖務衣食匱者次之田疇荒廢百姓餓死者為殿若致流亡十人以上者解見任○知太政官事總積親王薨○帝禪位於皇女一品氷高內親王元正天皇諱氷高一名新家文武帝姊在位十年改元二曰靈龜養老帝性神識深沈言必據典禮初位二品進叙一品至是受禪即位尊先帝曰太上天皇史論曰文武臨崩聖武尚幼天下不可一日

無君故請元明攝行萬機至和銅末聖武立為皇太子年既長矣宜傳天位而詔旨謂年齡幼穉未堪負荷大業廼禪位於元正逮皇太子親庶政然後元正傳之皆出於天理之公而非有一毫之私其意以為君者民之司牧也豈可使幼弱任主莅其職哉其公天下之心無可疑故能致雍熙之化度越推古持統之治上之所以仁漸義摩下之所以家給戶足凡在人主皆所難能而母儀之德君臨

之業可謂偉矣。元正帝受元明之禪，弗敢逸豫，宵衣旰食，悉心民瘼，飢則賑之，疫則藥之，免調免役，以至免天下之租，而惠鮮鰥寡，表旌孝義，每有災異，戒慎恐懼，以求直言極諫，嘉謨美績，史不絕書，蓋一代之良主也。凡元明元正二帝，內行端潔，至誠惻怛，和煦及物，恭儉仁恕，出於天性，既富既庶，四海乂安，用能致邕隆之治。雖謂之女中堯舜，可也。後之人主，能體二帝憂勤之心，則大日靈貴照臨

宇宙之德，且萬世而無虧矣。

山縣禎曰：託孤寄命，如伊尹、周公，則可矣。若附託非其人，則權歸大臣，威福一去，君而竟難復也。自古姦臣專威權者，皆欲立幼主，以其利於已也。故君死，孤幼之際，誠可慮之時也。文武崩時，太子幼弱，是以隨推古皇極之例，遺詔請母后踐祚。元明帝亦以太子尚幼，傳位於元正帝，皆擇賢以讓位，以固皇基。蓋庶乎得時之權者歟。但文武以子禪於母，其

事不順不如直傳諸元正之愈矣

靈龜元年卯獲瑞龜因改元○石上麻呂為左大臣藤原不比等為右大臣如故○詔諸國司曰國家隆泰要在富民富民之本務在貨食故男勤耕耘女修織紉家有衣食之饒人生廉耻之心凡厥吏民豈可不勗歟今諸國惟趣水澤之種不知陸田之利宜令百姓兼種禾麥雜穀○二年割河內三郡置和泉國○詔凡貢調役夫入京之日所司親臨察其儲備若有國司勸

課能合上制則與字育和惠肅清所部之最不存教諭事有闕乏則居撫養珉方境內荒蕪之科又比年計帳具言如功推勸物數足以掩身然入京役夫衣服破弊菜色猶多空著計帳徒延聲譽務為欺謾以邀其課國郡司如此朕將何任今後宜恤民隱以制所委仍錄部內豐儉農桑增損以聞○以多治比縣守等為遣唐使下道眞備阿部仲麻呂僧玄昉等入唐留學○養老元年巳丁左大臣石上麻呂薨○定調庸斤

下道眞備阿部仲麻呂等入唐

幸美濃觀醴泉

兩長短法。○詔頃者百姓犯法恣髡首著道服亦由僧尼以巫咒妖惑之今後宜加嚴禁。○帝幸美濃觀當耆郡醴泉親試盥嗽甚美名泉曰養老因改元初郡樵夫事父至孝家極貧常鬻薪換酒以進父一日得此泉色味侔酒大喜汲以為常供至是車駕幸美濃過郡觀之以為孝感所致因授樵夫官旌之又大赦天下賑恤鰥寡孤獨篤癘。○二年筑後守道首名卒首名為筑後守攝肥後事勸課耕種及牧畜又興陂池

以廣灌溉民初怨罵之後大悅服及卒立祠祀之

山縣禎曰昔鄭子產從政一年輿人誦之曰取我衣冠而褚之取我田疇而伍之孰殺子產吾其與之及二年又誦之曰我有子弟子產誨之我有田疇子產殖之子產而死誰其嗣之今首名治民勸之生業曲盡事宜民初斃其勞而怨之後享其利而悅之是與子產之從政皆是盡誠以治民不違道以求譽者也大抵世之為吏

者因循姑息以悅民以求一旦之譽是以其實功不至於民者多也如首名誠可以為為吏者之模範矣

割越前四郡置能登國割上總四郡置安房國割常陸十一郡以六郡置石城國五郡置石背國○是歲多治比縣守等至自唐○三年始令天下百姓右社職事主典已上執笏○令皇太子始聽朝政○始置按察使巡省諸道○詔一品舍人親王二品新田部親王輔佐太子○是

始令百姓右社始置按察使

日本書紀成

歲始定婦女服制○四年遣使察靺鞨風土靺鞨古肅慎之地距陸奥宮城郡可三千里自是專號渤海云○一品舍人親王

上日本書紀紀三十卷系圖一卷○右大臣藤原不比等

薨贈太政大臣諡文忠不比等生四子武智稱南家房前稱北家宇合

任式部卿稱式家麻呂右京大夫稱京家至聖武帝時追封不比等曰淡海公○以舍

人親王知太政官事○蝦夷叛殺陸奥按察使

遣朝臣討平之征討八回○漆部司令史丈部

石勝有罪坐盜漆當流其子祖丸安頭乙丸皆幼

祖丸年十二安頭丸乙丸七詣闕請沒身為官奴以贖父罪

帝感其孝思特命釋石勝

藤井臧曰。幼而智過人者。晉王戎。漢黃婉。唐孔穎達。王勃之類。自古為不尠也。然至孝動人。如後漢之長遜。慮輩則固不易得矣。能使其父免嚴刑。兄弟不轉溝壑。我丈部氏之子。其庶幾乎。三兒皆同。可以觀氣類矣。

山縣禎曰。赦有罪者。非善政。古人譏之矣。然如釋父之罪。以褒賞其子之孝節。亦足以風勵一世民俗。則察其實情。而時為之可矣。丈部氏之

三兒幼弱。欲沒身以贖父罪。其至性最可愍也。況其罪非大辟極刑乎。

五年。以大納言長屋王為右大臣。○日暈如白虹。召群臣詔曰。朕德非薄。導民不明。夙興以求夜寐。以思身居紫宮。心在黔首。非委卿等何化。天下國家之事。有益萬機。必可奏聞。如有不納。重為極諫。汝無面從。退有後言。○又詔。去年災異之餘。延及今歲。朕心恐懼。日夜不休。今群臣位高任大。豈得不罄忠情乎。其有政令不便事。

悉陳無隱。○割信濃置諏方國。○免畿內七道役。○太上天皇崩。元明帝壽六十一。葬大和推山陵○六年詔曰。朕以膚虛紹承鴻業。克己自勉。未達天心。是以今夏無雨。苗稼不登。宜令天下國司勸課百姓。種晚禾蕎麥。及大小麥。藏置儲積。以備年荒。○免諸國今年田租。○七年詔給戶頭百姓種子各一斛。布一常。整一口。○太政官奏。民戶漸多。田地窄狹。請勸課天下闢田疇。其新造溝池開墾者。給傳二世。逐舊溝池者。給止其身。

制可。發役所須。皆借官物。給糧食。令各國郡司督役。得良田一百萬町。○八年帝禪位於皇太子。

賴襄曰。天智畫一之政。天武以還。經於持統。文武元明元正。而莫之或更。率由其舊。而倍修治之。課牧宰禁姦利。通言語。明軍政。正度量。覈律令。其記於策者。班班然可按也。而其大者在於保民而已矣。民之於君。猶水之於魚。土之於木也。故保民乃所以自保也。國朝之定租稅。已輕。

於二十取一矣。而列朝之政有水必減有旱必
蠲有疾疫興作軍旅必給復之其逋租積欠在
十數年之前者時出令除免之歎懇如此者不
徒垂恩以結其心也不如此則民力薄民力薄
則國本弱欲強其本者必培而沃之有根斯有
枝有民斯有君列聖之所為亦察於此爾抑雖
後世之君非不欲保民也無奈國用不足也故
欲保民者必自儉不特自儉也以此率人所以
上下俱給也。

山縣禎曰帝以政治之要在富民富民之本在
食貨下詔而勤民耕織又令天下國司勸課百
姓設儲蓄以備年荒可謂知務矣至旱澇違時
年穀不熟則惻然責已除田租免課役以恤百
姓可不謂盛德之事哉觀其養老七年之詔實
見至公至仁與天地同流之氣象其巡京城而
給百姓種子即省耕而補不足之舉也史家稱
以女中堯舜蓋亦非過論矣。

又曰帝屢下詔以求直言極諫知為君之艱以

天下為已貴者也其遭災異恐懼自責求言深切篤至皆可以為後世人主之法矣

聖武天皇諱美麻斯或曰首文武王子母夫人藤原氏右大臣不比等女在位

二十六年改元三曰神龜天平感寶

帝為元明元正兩帝儲貳至是受禪即位年

三十一尊先帝曰太上天皇天皇以獲瑞龜

宣詔改元大赦天下帝篤信佛自遜位後落

髮出家就唐僧鑑真受菩薩戒自稱三寶奴

是為天皇落髮之始

神龜元年甲子益一品舍人親王封五百戶知太

政官事如故授一品新田部親王一品以右大

臣長屋王為左大臣○陸奧蝦夷叛殺其大掾

詔以式部卿藤原字合為持節大將軍宮內大

輔高橋安麻呂為副將軍討之征討蝦夷第九回令坂

東九國兵三萬人教習騎射試練軍陳以從五

位上小野牛養為鎮狄將軍鎮撫出羽蝦夷○

遣使於新羅○帝幸紀伊造離宮詔改弱濱為

明光浦○太政官奏上古淳朴冬穴夏巢後世

築多賀城

置陸奥鎮守府

渤海使始來聘

聖人代以宮室。又有京師。帝王之居。萬國所朝。自非壯麗。何以表德。板屋草舍。中古遺制。難營易破。請五位以上及庶人力。堪營辦者。以瓦葺塗丹。聖奏可。○藤原宇合等凱旋。○是歲始築多賀城。備邊寇。○二年。詔令死罪從流。流罪從徒。徒以下。並依刑部奏。○是歲始置陸奥鎮守府。○三年。詔給醫藥於諸國。○四年。聚僧尼九百於中宮。讀金剛般若經。以禳災異。○五年。渤海王始遣使來聘。渤海本高麗之故地。高麗滅久絕。至是始通。○始

置內匠寮及中衛府。○皇太子薨。前年皇子生。立為皇太子。至是寢病。勅造佛像寫經。以祈平復。又勅大赦天下。遂不愈。

山縣禎曰。帝每遭災異。必下詔而責已。賑恤百姓。存慰鰥寡。憂慮疾病。又屢大赦天下。歲必至數次。蓋雖出於釋氏之慈。然亦皆至性惻怛之所發。必非飾情以求虛譽者也。然屢赦罪而犯罪者益多。數度僧尼而游民日繁。造佛像建寺塔。費財不訾。皆無益於國家。而貽害於後世。蓋

信佛之惑也。孔子曰。好仁而不好學。其敝也愚。嗚呼。人主不明乎義理之學。雖有仁慈之心。不免愚惑之蔽。亦可惜哉。

殺長屋王

天平元年己殺左大臣長屋王。先是漆部君足中臣東人密告王私學左道陰謀不軌。即夜遣使固守三關。命藤原字合等率兵圍王第。明日遣舍人親王及藤原武智麻呂等鞠問。賜死妃吉備內親王及其四子。皆自殺。長屋王高市皇太子之子。好學善詩。一時名流多游其門。至是遭讒而死。時人冤之。其後王臣大伴子蟲殺中臣東人。為王報讐。

云○王室內亂至此凡十五。

賴襄曰。聖武之為太子。舍人新田部二親王竝以祖叔父輔佐之。稍習聽政。然後元正禪之位。豈非謂其已堪負荷矣哉。然即位未周。月軌事巡遊。當是時。太白數晝見。蝦夷叛。發九國兵伐之。將帥未復命。而車駕復南矣。所以消災異者。讀經度僧而已矣。長屋王之獄。發於倉卒。不讞而決。僧玄昉出入兩宮。醜聲聞外。而無或誰何。則帝之不君柔暗。不待智者知也。獨怪二親王。

久居輔儲之任及其未立必睹其不君之質矣
何不白元正廢昏立明哉不能睹其不君乎不
明也睹其不君而不能決廢立乎不斷也豈其
衰邁耄耄不能有為耶抑勢有不可也何者帝
者藤原氏之出也錄足之勲在於社稷不比等
歷事四朝身生二后朝廷崇寵之而為帝之大
援所以不可搖焉烏知非長屋王之賢嘗擬易
儲戚畹所諱而讒間入之哉故將兵圍其第就
而窮治者皆不比等之子也而一親王不敢為

別白焉其事情可見也是君權所以漸下移非
待文德清和而然也

賀茂子蟲獲瑞龜以獻因改元○二年太政官
奏大學生徒既經歲月學業庸淺未能博達實
由家道困窮請選才學並優者給衣食以勸誘
之又諸蕃異域風俗不同凡事無譯難以通令
教師等各授弟子習漢語制可○始置皇后宮
職施藥院○詔盜賊橫行於京及諸國劫掠為
害甚矣又安藝周防民造妖祠死魂及京左山

始置皇后宮
職

始置總管鎮撫使

原人妖言聚徒多則萬人少不下數千為害尤甚今後宜加嚴禁○三年廢諏方國併信濃○以藤原宇合藤原麻呂多治比縣守大伴道足等為參議○免諸國今年田租半○以新田部親王為畿內大總管藤原宇合為副多治比縣守等為諸道鎮撫使置總管鎮撫使始于此○四年發遣唐使○五年諸國饑詔貸大稅○令大膳備孟蘭盆供著為恒典○六年以大納言藤原武智麻呂為右大臣○是歲陸奧鎮守將軍藤原朝

獨修築多賀城

是時立碑記道程里數

○七年新羅朝貢

時新羅私改國號曰王城詔卻其使○遣唐使

還留學生下道真備僧玄昉等偕至獻曆樂書

佛經等○知太政官事舍人親王薨

親王天武帝第三子

好文學善文○九年陸奧鎮守將軍大野東人奏本國

達出羽柵行程迂遠請城雄勝村以通直路制

可遣持節大使藤原麻呂等與東人議興役開

山海兩道雄勝虜長降附乃城之○遣新羅使

還奏新羅失禮不受使命於是再遣使詰問明

置國分寺

年新羅使來朝。○以右大臣藤原武智麻呂爲左大臣。尋薨。○以從三位鈴鹿王知太政官事。○是歲始置國分寺於諸國。○十年立皇女阿部內親王爲皇太子。皇女爲儲貳自古未有也。以大納言橘諸兄爲右大臣。○十二年大宰少貳藤原廣嗣字合叛遣大野東人等討之。先是僧玄昉有寵於太后。還自唐。詔賜紫袈裟爲僧正。居之內道場。又屢稱說法。近侍於皇后。有醜聲聞於外。下道真備爲中宮亮。不敢言。廣嗣爲大和守。惡玄

藤原廣嗣伏誅

昉。又與真備不協。帝納玄昉。請奏貶廣嗣。赴外任。廣嗣妻有姿色。畱居京師。玄昉欲姦之。不可。書告太宰府。廣嗣乃上表指斥時政之失。及玄昉真備之姦。且請誅二人。朝議以爲謀反。發五道兵伐之。廣嗣舉國中兵至板櫃河。編木爲筏。將濟官軍先鋒佐伯常人發弩禦之。令人呼曰。屬廣嗣者罪及三族。廣嗣下馬再拜曰。非敢捍朝命。但欲清君側耳。常人曰。矯詔發兵符。非反逆而何。廣嗣語塞。旋入軍中。其衆遂潰。廣嗣知

事不濟欲航海逃風逆不能進還奔松浦為安部黑麻呂所擒遂斬及其弟綱手誅叛臣自真鳥後至此凡

三人而懸軍遠征以是為始○玄昉是後遷於筑紫數年死于論所

史論曰甚矣佛教之為蠹也藤原皇后伉儷至

尊宜正坤儀以嚴帷薄顧乃置內道場延僧玄

昉而寵之中菁之言不可道也至尊恬不之省

縱其所為其故何哉託之佛而掩其迹也

永井定宗曰玄昉恃榮寵之盛恣淫惡以穢官

闈以犯佛戒廣嗣上表請斥之固宜矣而天皇

信淫浮屠不敢正治體却殺廣嗣可謂失為君

之明矣然廣嗣亦有罪夫臣之於君有過則諫

諫不聽則或死或去未聞諫不容而反者此舉

也君臣兩失之矣

十三年先是遷恭仁宮定作京都至是受朝賀

宮垣未成繞以帷帳尋名大養德恭仁大宮○

詔諸道每國僧尼寺施封田町名僧寺為護國

名尼寺為滅罪○十四年廢太宰府○造離宮

於近江紫香樂○十五年以右大臣橘諸兄為

置護國滅罪二寺

改釋奠式


左大臣○始置筑紫鎮西府○是歲新羅朝貢失禮責其使卻之○十六年遷難波宮定為皇都○十七年還平城○復太宰府○知太政官事鈴鹿王薨○限三年禁天下屠殺○十八年毀恭仁宮施於國分寺○十九年諸國大饑詔賑恤焉○二十年太上天皇崩元正壽六十九火葬藏御骨大和奈保山○改定釋奠儀式○天平感寶元年己陸奧始貢黃金○先是造金銅盧舍那佛於東大寺至是像成帝與皇后皇太子俱幸慶

之改元左大臣橘諸兄從焉○以大納言藤原豐成武智麻呂之子為右大臣○帝禪位於皇太子

明治日本政記卷之三

新刻

明治日本政記卷之三




Kodak Gray Scale



© Kodak, 2007 TM: Kodak

A 1 2 3 4 5 6 **M** 8 9 10 11 12 13 14 15 **B** 17 18 19



Kodak Color Control Patches

© Kodak, 2007 TM: Kodak

Blue Cyan Green Yellow Red Magenta White 3/Color Black

